



**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

4. Vulcanus cælo & convivio deorum exclusus, quid indicet.

---

[urn:nbn:de:hbz:466:1-68709](#)

in uxorem & liberos ; inque obvios clamoribus , furiis , minis , verberibus debacchantur ; magis Lyæum , quam Vulcanum in cornu gerentes . Nec pauci horum inveniuntur contribulum , qui Vulcanum in hoc uno gnавiter imitari satagunt , quod Virgilius de illo scribit . Nimis ubi Venus in officinam ferrariam venit , & niveos in amplexum lacertos obtulit fabro , continuo is cerà mollior , opera incepta relinquit , & scios quoque hortatur :

Tollite cuncta , inquit , cœptosque auferte labores .

Sic istæ viles animæ , ubi congerrorum aliquis ad officinam accesserit , & vel chartulas pictas , vel cyathum Baccho , coctavé spumantem Cerere ostenderit ; vel blandior aliqua Nisa in conspectum Mopsi venerit , relicta Jovis & Martis ministeriis ( quod Vulcanus fecit ) hoc est , locatis & conductis laboribus in longum dilatis , ad oblata se gaudia convertunt , & tabernam fabrilem cum vinaria commutant : mentiendo , de die in diem procrastinant tam opera facienda , quam operum promissa præstanta . Et hinc est , quod non Vulcanus tantum claudus sit , sed ii quoque , qui Vulcani artem factitant ; & præter hos , qui ad minorum deorum tribus pertinent , ut sunt Sutores , Sartores , horumque similes ; qui juxta Plautum , claudicant , si non pede , certè lingua , quam in perjuria venalem habent . Quorum opus ac labor saepius tam est perfunctoriis , ruditis , atque inscitus , ut merito dici possit *claudicare* .

IV . Vulcanus summo deo , summâque dea natus , deæque superbissimæ , *Veneris* , maritus , cur non est admissus ad deorum epulas ; & quod amplius est , cur tantorum parentum proles è cœlo præcipitata ? Responso suppetit non una : expediam paucis . (f) Vulcani dejectio patrio ex olymbo significat , heroum quoque filios esse noxas , quod alibi explicamus . Deinde deformem , hoc est degenerem moribus prolem è censu liberorum & heredum expungendam . Tertiò , aliquando à parentibus liberos , tanquam ignobiles , & claustris abdendos eliminari ; qui tamen non idèo dii & divi esse desinunt , etiæ vilibus ministeriis cum Vulcano addicantur . Quartò , Vulcanus claudicans ex casu , dicere potuit , quod Lacon ille in prælio enervatus crûre altero , se ad singulos passus meminisse virtutis in bello ostensa , Vulcanus verò stirpis suæ è cœlo ducet , aut : non suo , sed parentum se vitio claudicare . Sed quid ? Vel propter uxorem , scilicet Venerem , meruisse Vulcanus epulis accumbere Divum . Notate hoc opifices , quicunque uxores ambitis , patrimonium suum in vultu & veste circumferentes ; felices vos putatis , si Cyclops aliquis

(f) *Vulcanus epulo deorum & cœlo exclusus , quid significet .*

quis Polyphemus, aut, quod in hoc symbolo tractamus, Vulcanus fuligine obsitus Galateam quampiam venustiorem domum duxerit. Nolite superbire; ubi prima nuptiarum blandimenta elanguerint, pro Venere habebitis multorum liberorum matrem, quæ Jovis filium, faciet Iri, Codrique nepotem; tot murium patrifamilias, aridus erit rodendus panis, & frigente foco, dura toleranda paupertas.

V. (g) Et quid est, quod Venus dearum pulcherrima nupserit claudio, & atrore squalenti fabro? Nempe cæcus est amor; sine oculis capit amantes. Nam oculi, quos Cypris habet, non sunt oculi, sed oculorum spectra. O quotiescum risu nox conjunxit, quos sibi mutuo dies sero cum gemitu ostendit! Coaluit in tenebris infasta copula, quam nullæ dissolvent in sole querimoniæ. Et si tam infelix maritus obtigit Amorum matri, quidquid melius sperent ejusdem gynæcei nymphæ? Quamquam excusari possit dea, quæ magis videtur ingenium mariti, quam formam in consilio habuisse. Quid si ad has nuptias Venerem etiam permovevit præstantia generis: Vulcanus enim erat Jovis & Junonis filius, scilicet ut jubar minores stellas obtegit, sic prosapia claritas non raro præstringit oculos, ut vitia corporis, animique cerni non sinat; placet simius in purpura. Habent etiam, quod discant hic illi, qui nobili sati stirpe, nihil dignum gerunt suo stemmate. Nam ad quid genus illustre, quid origo cœlestis, qualis Vulcani fuit, si claudicet virtus, si claritudini generis aspergatur pessimorum fuligo morum?

Salsè de imparitate nupturientium Epigrammatarius lib. 9. epig. 4.

In Paullam.

Nubere vis Prisco, \* non miror, Paulla, sapisti:

Ducere te \* non vult Priscus: & ille sapit.

Et libro 8. epigr. 12.

Ad Priscum.

Uxorem quare locupletem ducere nolim,

Quæreris? uxori nubere \* nolo meæ.

Inferior matrona suo sit, Prisce, marito:

Non aliter fuerint femina, virque pares.



### III

### SYM-

(g) Cæcus amor nubentium. \* Diviti. \* Infamem. \* Nolo subjici uxori, qua proprie nubere dicitur: vir autem ducere.